

經部

欽定四庫全書

經部

春秋集傳詳說卷二十四

詳校官鴻臚寺少知臣梁景陽

給事中温常經覆勘

覆校官博士臣劉光弟 校對官助教臣汪錫魁 腾録監生臣程元馬

TO STATE OF THE 五十二 長子野非嫡夫人之子不當立 春秋詳說 一大夫穆权謂太子死有 弟母齊歸乃子野母敬 成襄哀也皆繼先君而 乔 歸 家鉉翁 上月 年景

金贞正月白書 亂漸至不制昭公起而誅之此人君之所得為事不 季氏利昭公之幼弱而立耳隱公之立正也先懦猶 其梯子李氏不從則襄公諸子蓋有年長而當立者 克濟預身於外嗣子復為賊臣所擴不得有國春秋 位者正季氏逐君之罪也季氏竊魯國之柄犯上作 猶書即位乎當竊觀聖人之微旨昭公所以特書即 死昭公越次而立內無所承上不稟命者也春秋何 以寫內無所承上不稟命故春秋不書即位今子野

于會宋盟 叔孫豹會晉趙武楚公子園齊國弱宋向戊衛齊惡陳 公子招蔡公孫歸生鄭罕虎許人曹人于號美已見裏 て・ う !! 宋之盟號之會夷之利而非中國福也愚前已論之 而倪首屏氣受制於賊臣者不可同日而語矣此書 即位之變例蓋昭公之立與文成襄哀異矣 昭公特書即位為其有討亂之心與夫為大夫所立 若不書即位無以明君臣之分而正亂賊之戮故於 春快洋流

金京四月全書 春秋寝之吁誤矣太納每以利害而談春秋愚恐為 安之於是復奉諸侯之大夫而為天下之利甚大故 因本訥所評有云趙武為宋盟而弭天下之兵諸侯 後人之感不容已於言也夫夷夏有常分中國之尊 復可談於衰世自入春秋以來百七十年延僻居南 服雖崛强自大而不得與晉齒也中國諸侯依盟主 不與夷狄對峙並存於宇宙之內也帝王威時事不 以自存其有屈於夷者暫也非其常也宋向戍持弭 卷二十三

為辱實大其甚悖義者始以羽兵而合晉楚之成既 諸夏人有左社之憂夷狄之禍至是爲烈而陋儒苟 交相見而中國諸侯宋魯鄭衛成北面於夷楚之庭 見目前之暫安遂以盟楚為天下之大利是之謂羽 而楚盛兵以臨諸侯滅陳滅縣滅賴芝夷小國憑陵 之安于宋之盟首紊常經倒置冠履俾晉楚之與國 國諸侯而為楚役也趙武不明內外之分苟偷目前 兵之說以內交於二國辭曰弭兵始謀未嘗欲驅中 春秋洋光

**到定匹庫全書** 必先豈不大失春秋之本旨予蓋穀梁左傳倡之後 晉人所行為是發之而無貶乎會盟于中原遊裔夷 春秋為中國惜不使夷得以僭華是故長晉夫豈謂 殆不爲過也所謂讀舊書不敢血者楚再爲長而晉 說有國有家者所當深懲而痛絕雖加以正卯之戮 以為長此豈小失而謂晉人以信為本故春秋每書 不敢與爭中國之取也而謂春秋與之豈非誣乎蓋 之儒者借說經以迎合時論愚讀書至此不能不為 数二十三- 及巴田田公香 三月取耶你詳 憤歎也 魯即也成九年楚入軍襄十二年季宿救台入軍者 討之不當書取左氏以為莒之耶魯伐而取之諸儒 同此為苔鄆何疑不書某的師伐苔取鄆者為魯諱 莒鄆也傳謂魯莒爭鄆為日人矣蓋地相接而名偶 多從左氏但即有東西之異文十二年城諸及耶者 公年日內邑也其言取之何不聽也注謂運叛而會 春秋詳說

夏秦伯之弟鎮出奔晉議和見 亦以貶也諸侯方為會而魯以兵取人之邑此與盗 所以肆行而罔忌武實有以召之 人欲治其罪趙武反曲為辭說謂封疆之削何國楚 蓋救台入戰之時欲取而未得至是遂取而有之楚 所憚小國幾不能以自存楚亦用是輕中國韓之會 有主齊盟者誰能辨之自武為是言當時諸侯益無 何以異是時昭公新立豈知為此皆季氏所為也 Ξ

則亂作於內誅不旋踵其所以卒得返國由母賢故 1.1 1 mil 1. 1.1. 伯亦貶鍼也其母使之奔母亦智矣使如叔段之母 其君鎮之汰亦甚矣書素伯之弟出奔晉不惟譏秦 晉有車千東夫以千東之國而區區母弟車之多仇 如二君於景其母懼其及於禍使之奔晉傳謂鐵適 通其弟云者親而奔之惡也此秦后子也有罷於桓 君子謂之出奔也穀梁曰諸侯之尊弟兄不得以屬 公羊曰仕諸晉也有干東之國而不能容其母弟故 春秋詳況

晉首吳帥師敗狄于大國公穀以 六月丁已邾子華卒 蛋与口月主書! 秋苔去疾自齊入于苔苔展與出奔吳義已見襄公 爾后子宣得無罪三傳專責秦伯過矣 大鹵太原也狄來冠晉敗之於太原本無譏也據左 書敗譏之也 傳晉人於是始毀車以寫行誘狄而敗之胡氏曰使 後世車戰法亡崇尚步卒以變詐相高皆此等啓之

優於眾公子之自外而入者不得不以世子自居矣 長則繋以國而入之雖然地居長當立而其父未當 者展與為君不得不繫之以國繫而奔之耳去疾為 者也今去疾自外而入展與出奔春秋皆繁之以國 命之以為世子則其立也為挾大國之力非立之正 也去疾乃密州之長子厥父舎長立少去疾則當立 與者因國人弑君而得立不能為父討賊首之罪人 左傳以展與爲弑君父之賊前既辨其不然矣但展

九年四事在馬

春秋詳就

叔弓帥師疆鄆田 長異乎庶孽之干正者也 故鄭忽在春秋之世獨得以世子而入所以存其為 前此取色多矣未有疆其田者今而書師師書疆耶 國之境截然不可紊也今魯東昌之有亂伐而兼之 疆者也周之建國疆理具在取他人之有又從而疆 田何哉蓋魯之鄆與莒之鄆壞地相接名雖同而二 懼莒人來爭不已故出師往疆其田疆之者不宜

冬十有一月已西楚子麋卒左傅謂公子圍我之盜 La. O in Li Alla I 麋之世子如會子般子亦之類而非就麋也何以言 有之如襄七年鄭伯髡頑如會未見諸侯丙戍卒于 觀經旨疑傳所載之未實也蓋園所就者楚之嗣君 春秋書卒而左傳以爲公子園殺之凡統而書卒者 鄵不書稅而弒之義見今麇死惟書楚子麋卒愚竊 重販魯也 春秋詳說

金历四月白書 **楚公子比出奔晉** 若据經之寫實 數百千言求以通左氏之說辭雖於而終未可通不 年在弱冠親見一時之事故據實而書之胡文定累 不正其弑君之戮而惟以卒書乎自昭公之後夫子 之麋病革圍聞其將死自外急歸東君之預戕其子 而篡其位是亦弑也而非弑其君麋當時諸國傳聞 )誤有以爲弑君者耳不然圍之罪顯著春秋何以 琴二十三

R RED MALL MINISTER 夏叔弓如晋 書言鄭國之無政也 年春晉侯使韓起來聘 耳黑之攻良霄也其罪固己當誅子產畏之而不能 鄭殺其大夫公孫黑 也今因其傷疾作始克明正典刑亦云晚矣以累下 正也兄弟爭室其罪均當逐子產又畏之而不能裁 公孫黑之死當其罪矣稱國以殺何哉殺不以其罪 春秋群就

冬公如晉至河乃復季豫宿如晉 晉平甚庸豈知為此斯皆晉之强大夫黨於季氏陳 穀梁曰公如晉而不得入孝孫宿如晉而得入惡季 無可稱之善亦未有顯然可指之惡晉平拒而不見 孫宿也十二年傳又日季氏不使遂乎晉與此互文 乃復者實以疾復愚謂昭公之立至此曾未兩年雖 絕其君以從季氏之欲愚意魯昭是時已有鋤治强 以見義公凡六及河而復惟二十三年書至河有疾

金少日天

夏叔号如滕 五月葬滕成公襄公之葬滕子來會 年春王正月丁未滕子原卒 月大雩 君之罪亦以垂人臣外交之戒云 先故屢及河而不得進春秋書之深著晉人黨臣抑 COPIE ALLE 宗之意將謀之晉君籍盟主之力而去之寫季氏 泰伙肆說

冬大雨雹 金月四月至書 未已臣干君下陵上其兆見矣傳載中豐之言歸咎 陰陽和而為雨露霜雪陰陽爭而為雹歷時彌月而 春正月又著月而書雨雹亦加大字頻見於一月也 于藏冰之失胡氏駁之日山谷之冰藏之也周用之 此著時而書雨雹又加以大字頻見於一冬也明年 也偏亦古者本末備舉變調之事耳謂能使四時無 愆伏凄苦之變雷出不震無笛霜雹則亦誣矣中豐

北熊伯敦出奔齊該初見相 育奔而名之亦各以當時事為書法之抑揚耳據傳 侯衎爲豫甯所逐奔而不名北縣伯欵爲諸大夫所 於南無北無馬山戎所隔齊桓公伐戎開道乃與中 之過矣胡氏駁之甚當 國通國君出奔有書名以奔者有不書名以奔者衛 北蘇姬姓在晉之北召公真之後也稱北熊所以別 季氏之黨故為諂辭以塞人君遇災之懼左傳之録

大三日中上

春秋群就

異耳或日嬖寵固不可任羣卿有者齊田魯季衛孫 孫甯作亂逐君其事差若不同此所以有名不名之 氏者其必任之可乎曰是所謂權臣非所謂公卿大 近習聞之亂也若夫控御權姦固自有道不可與近 與之共圖國政近習不得間也國有公卿大夫而以 以殺公之外嬖公懼而奔則其奔也亦有以自取與 北縣伯多嬖寵欲去諸大夫而立其所嬖燕大夫比 夫也所贵乎國君者選賢抜能布在有位信之任之 巻二十三

金ラロ唇と

楚人執徐子 九·三日日上上十二 小邾子宋世子佐淮夷會于申義書爵 夏楚子察侯陳侯鄭伯許男徐子滕子頓子胡子沈子 四年春王正月大雨電美已見去年 宋之盟號之會晉楚同之指以紊夷夏内外之辨春 君臣不知為中國惜輕以許楚遂合夷夏之君十有 秋譏焉今楚度新立逞其狂悖從晉人求諸侯晉之 司謀義已見襄十四 春秋群就

金でプロアノンツート 辭皆不至惟鄭伯先至于申宋世子後至宋向戍鄭 晉楚之從交相見與今兹求諸侯而為此會議皆從 起叔向無以辭其責武起不學倚叔向以決大議而 預於夷會者辱也魯以時祭辭衛以疾辭曹都以難 而已是會也夷主之夷會之是之謂夷會中國諸侯 **叔向為忠且智吾但見其委曲順從以茍目前之安** 叔向而決而輕伯夷楚坐失夏盟遺中國以恥人謂 三國而為此會夷主夏盟會盟之一大變也趙武韓

執齊慶封殺之遂減賴公殿作 秋七月楚子蔡侯陳侯許男頓子胡子沈子淮夷伐吴 九己日 日 日本 遂動兵伐吳吳雖與楚為仇而預於中國會盟姬姓 子產鄭國之良伍於夷而不自以為恥豈非利害所 子產又從而獻禮焉嗚呼曹都會衛猶有羞惡之心 始向戍合晉楚之成曰以弭兵也今楚虞既得諸侯 淮夷之列夷之也 迫失其本心者與春秋序鄭於頓沈胡之前齒宋於 春秋詳就

書會盟伐國辭繁而不殺哀晉人之失霸夷狄之禍 臣各為其私坐視夷楚流毒中原略無所問春秋聯 其罪師直爲壯未至遽出楚下而晉平荒淫不度其 **我嗣君而篡有其國賊之未討者也今伐吳執齊唐** 方來而未已也或曰執齊慶封非討有罪平曰楚度 師遣使話楚期以罷兵守境彼若不從我奉解以問 者當召向成責以楚人背盟首禍之故執而歸之京 同盟之國也楚輔以兵加吳是之謂背盟晉之為政

金牙口屋白雪

卷二十三

九月取鄫 則拘矣 先是苔人滅節左傳以為苔實滅都公穀以節 **虔怙其强大劫中國之諸侯而滅無罪之國書遂所** 侵蔡察潰遂伐楚為中國攘夷狄遂事之正也今楚 治不肯不以亂治亂也遂滅賴著楚之暴也齊桓公 封而聲其弑君之罪是謂以賊討賊春秋之義用腎 以誅也遂之爲義要當隨事而觀以求經意執 **東伙鲜**號 取 例

冬十有二月し卯叔孫豹卒昭子 金贞四年全書 滅部而晉不問晉亦重可責矣 部于苔而遂取之耳前曰苔人繼部都之廟社猶存 屬部于晉部故魯之附庸其後苔以其子為後于部 左傳以為魯取之於苔公穀無文考之傳魯人常請 苔甥為後是以著義為減愚從公穀之說今書取節 今為會所得而部於是始減春秋書取部責魯也魯 視部為被之私屬魯莒既有積憾東晉霸之不綱爭 卷二十三

五年春王正月舎中軍議紀規襄十 屬季氏昭公莫之能正不得正也而孟則羯亡而玃 始立叔氏則豹卒而始未安于位皆惟季氏所欲為 李氏獨有其二孟叔氏各有其一於是魯國兵權盡 而貢於公蓋舎中軍非復為二軍乃析三軍為四而 今舎之四分公室季氏擇二五叔氏各一皆盡征之 舎中軍界公室也初作三軍三分公室而各有其 舎中軍穀以爲復正公羊以爲復古皆非也左傳曰 春秋詳說 古田

金好口屋台潭 當是時諸侯大夫狂恣犯上未有若季氏父子之甚 者使非家臣内叛有以掣其篡弑之肘則田常所為 殺其大夫屈申 듬 以無疑曰兵有常制今季氏專魯作之未幾旋復舎 不在齊而在魯禍不止於乾侯之出也或曰春秋何 待貶斥而見矣左傳曰舎中軍早公室也得書法之 之春秋書作於前書舎於後季氏變更軍制之罪不

公如晉 **見日日 \*\*\*\*\*** 夏苔年夷以年婁及防兹來奔義見襄二十 庶其年夷都莒之盜也季孫宿魯之盜也襄二十 靈之圖篡也羣臣從者風靡不過爲保身保家之計 既而卒不獲免為人臣子者觀是知所鑒矣 去北面而事是雠足以殺其身而已矣責之甚當恭 楚靈以屈申為貳於吳而殺之殺之不以其罪也劉 氏曰屈申之爲人臣也君弒而不能討國亂而不能 春秋群就

遂其竊國之計意如逐君之謀實兆於宿宿實有無 蓋置其君於陷穽者獲之地將使晉人執之已得以 君之罪左傳承魯之韶史以爲昭公造釁殆不然也 納都苔之叛人叛邑以為已之私有不曰魯之納盗 年夷復以地來奔季氏又納之季氏乗會君之出招 年公如晉庶其以地來奔季氏納之今公如晉在行 可乎中間襄公如楚還及方城季宿取十使人以告 公懼不敢入幾欲適諸侯今公在晉而宿所為復爾

秦伯卒 戊辰叔弓帥師敗苔師于蚧泉公羊作 秋七月公至自晉 RECEIPT Aire 守法未甘於夷也不應尚循弊俗如公羊所云但言 立之嬰稻以嫡得立故名愚謂素自移公以來遵禮 匿嫡之名也注謂子生不以名令於國惟擇勇猛者 左傳以為未同盟故不名公年曰何以不名夷秦也 春秋詳說 去

冬楚子蔡侯陳侯許男頓子沈子徐人越人伐吳 金少正屋石雪 越始見而書人論者疑之而未得其說愚以爲人之 辨之矣 非貶也或曰秦人告不以名故略之亦恐未然前已 吳不當與師以報楚於是復為此役師出有名是故 同也胡文定以為楚伐吳克朱方数齊慶封討罪也 於夷之會非進之中國之會與襄三年吳人會戚不 凶慶弔之事少通中國故史失其名春秋因之而書

贼罪之當討者也已有罪未討乃云為齊討贼春秋 峻輕於與關繫春秋條貫不容已於言也 疑若中國會盟則決無可進之理胡氏議論或過於 春秋進夷狄未有若是之驟者此人之於夷之會何 自相攻耳其從之者皆迫於威力鳥知曲直義利之 辨今謂其師出有名春秋併其從之者皆進而人之 不以亂治亂以賊治賊也吳之報楚楚之伐吳夷狄 從之者皆進而稱人愚竊以為未然也楚度篡弑之 春秋詳說 ŧ

葬祀文公 金页口眉白書 **葬秦景公** 六年春王正月杷伯益姑卒 宋華合比出奔衛 夏季孫宿如晉 宋平公以寺人伊戾之讒害其太子而誅之矣既誅 觀之則伊戾死而寺人柳繼之復以伊戾所以語太 之則太子為無罪而寺人可不必信今以合比之事 卷二十三

飲定四事全書 一門 冬叔弓如楚 楚遠 罷帥師伐吳 往有之可不懼哉可不戒哉 九月大雩 外廷臣與之合而其語乃售伊柳戍亥之事後世往 平公不之悟也嗟夫閱官禍人國家有自來矣然必 子者而譖其大臣坎用牲埋書以售其險謀後先如 報而華亥之比柳與向戊之比伊通以相似而 春秋群就

齊侯伐北縣 事晉人有愧多矣春秋是以貴之而齊景公立心不 能討春秋販馬今齊候為此無伯出師實行霸討之 不書所以伐則貶也前此衛侯為孫林父所逐晉不 齊侯伐北無將納其君書爵書伐為其師出有名也 著其不能成功也是時晉平愚聞楚靈狂暴中國無 霸人有左衽之憂齊固霸國景亦賢君而志不能以 剛仗義而往納縣而還是以春秋書伐不書所以伐 老二十

七年春王正月暨齊平 東三四年 ALE 及書暨之不同公羊曰及猶汲汲也暨猶暨暨也我 左傳以為燕暨齊平承去年齊侯伐燕而為說也穀 終老而國非其國矣惜哉 夏公會齊侯于夾谷約而後會耳此先書暨齊平約 之也繼書叔孫婼如齊治盟往盟之也但春秋有書 梁以為魯暨齊平以書法當從穀梁定十年及齊平 **帥氣每欲有為輕為近俸小人所沮優游不斷以速** 春秋詳說

秋八月戊辰衛侯惡卒 金万里月日間 权孫婼如齊沧盟 夏四月甲辰朔日有食之 |月公如楚 欲之曰及不得已曰暨是時魯婚於吳睦於晉而又 附楚無意與齊為盟齊欲之也故書暨然亦不可執 穀梁曰鄉曰衛齊惡今日衛侯惡何為君臣同名內 例而求 卷二十三

次とり 巨と手一 九月公至自楚 是故春秋每因事而垂法 臣同名乃其明證後之人以諂事君諱其所不當諱 謂親之所名臣雖欲改君不當聽也君不聽臣易名 謂諱者特諱之於廟耳未聞生者而爲之諱衛之君 者欲使人重文命也殼梁此義其必有所授矣蓋所 君子不奪人名不奪人親之所名重其所以來也注 有一月癸未季孫宿卒 春秋詳說

夏四月草丑陳倭獨卒 ↑有二月癸亥葬衞襄公 年春陳侯之弟招殺陳世子偃師 宗社意如逐君宿所命也其魯國之大盗與 幾為所逐自後世而言司馬懿其人也至昭師遂移 自季友至行父雖專魯國猶善事其君無悖於臣節 至于宿東生幼盡盗兵權擅伐國取地以自私襄公 案左傳陳哀公以弱愛之故欲廢太子偃師而立其

過也弟而不賢乃至於不能制亦孔之過也不相容 孽子留屬留於司徒招招由是殺太子立留哀公縊 是不友也不能制是失教也惟鄭之段則兄之過寫 弟有二義其責皆在凡弟而賢乃至於不相容凡之 殺不然將目君如晉獻宋平之殺矣木訥云春秋書 立庶如敬贏襄仲之所寫而哀公未之知是故書招 春秋書法而觀招實為之耳意者招與二姬謀廢嫡 如傳所言廢太子本哀公意何爲憂懼以至於縊以

RALIDINAL AT ANTA

春秋詳說

金贞四周白書 輕而逆在段故不書弟如陳侯之弟黄出奔楚是不 乎故書陳侯之弟而不書公子以陳侯不能教其弟 相容者也若宋公之弟辰入于蕭以叛是不能制者 侯之弟木訥春秋惟鄭段一節講明至到諸說皆又 非陳侯罷任之過不至於是故前書公子招此書陳 其姪卒之召焚人之虐陳以不祀皆招之罪也雖然 而禍及其子也然招之惡亦既貫矣上抗其兄下殺 也今陳公子招至于殺陳世子偃師尚為能制之者

楚人執陳行人干徵師殺之 叔弓如晉 を日日日日日 一 楚不能討而縱之于越干徵師何罪而以爲首戮乎 書干徵師之死繼書孔與之死言當討者縱無罪者 **墟其宗社殺人以行其許者也春秋先書招之罪繼** 蓋楚靈因陳亂以爲利賊殺不辜欲以震怖陳國而 陳人作亂殺其太子致其君死不以正命罪在 能及 春秋許就

陳公子留出奔鄭白馬招所 金罗巴尼己言 秋蒐于紅 竟者蒐簡軍政之總名常事不書此所以書者**憂秦** 甸丘盡為强家所專制作三軍未幾復舎中軍四分 于紅自根年至商衛革車十東魯兵初不為少井品 氏挾兵權盗有魯國漸至不制而書之耳傳稱大意 死傷夷誅之行乎中原莫得而正也 公室而季氏竊有其二兵皆季氏之兵將皆季氏之 卷二十 三

欠こり言 是萬也蓋季氏之萬國何有焉書蒐書大萬為魯憂 定哀之世凡四萬入春秋以來蒐事未有如此頻者 惡之罪今招委罪於過而殺之春秋復於此而正過 過與招同為亂招其首也春秋既於今年春正招首 耳或以為蒐春事而秋與之是故譏淺哉 春秋備書於策著季氏專魯國挾兵權以智制其下 將號今政事一出於季氏日蒐簡何益哉自是迄於 《殺其大夫公子過 11 111 春秋詳統

大雩 金好四周台書 冬十月壬午楚師滅陳執陳公子招放之于越殺陳 著夷楚之失制也 陳舜後也自晉悼公郡之會逃盟而歸楚迨今三十 去其官而書殺其罪亞也過以從而死招以首而放 同為亂之罪招與過皆當有罪但首從之不同耳不 四年甘爲夷役而不恥彼謂夷可託國而無復慮

ここうこ 國也招自知罪在不貸卻兵開門以納處處德之而 莊取之而旋舎之靈則遂取為己有明德之後百年 中國諸侯不能治陳之亂使夷得以行詐而滅人之 義聲以行其大不義與楚莊之討夏徵舒後先 免其死孔與者陳之舊臣拒處不受為所殺春秋於 凡七見書皆陳事言之重辭之複関陳而罪焚也責 之間再有夷禍此春秋所以動色而書之自春俱冬 之憂矣今夷爲不道東陳招殺太子而掩取其國挾 1111 春秋詳院 轍

**国贞四库全書 葬陳哀公** 春秋之書之何繳日此書葬之變例也雠未復賊未 或曰陳京公之葬傳以為衆嬖人殺馬毀玉以葬之 陳亡招放之後而書為死録為也杜氏以爲招黨誤 方熾而未已為中國憂也 守節而害之春秋備書以見楚靈之不道夷狄之禍 討而以葬書國既亡無與任討賊之事者也國既亡 矣野留則奔之招則放之干徵師無罪而殺之孔與

東公如未滅之辭者楚子葬之也不言楚子葬之 存陳也 不與楚子滅陳而葬哀公故以陳人自葬爲文所 而書葬亦所以存陳也孫泰山 日陳已滅此言葬 ) 41.17 春秋詳 狁 计式

欽定四庫全書 九年春叔弓會楚子于陳 たこりる ALLY 1個/ 侯預於夷會是故機 繼滅陳而書譏也楚為無道乗陳有亂而盛兵以臨 春秋集傳詳說卷二十四 凶威皆遣大夫以會之魯獨見書譏也以望國倡諸 之遊滅人之國天下諸侯所當同族宋魯鄭衛畏其 昭公二再公二十五年 春秋群說 宋 家銓翁 撰

許遷于夷已見成十五年 金号四月白雪 夏四月陳災公羊 其臣僭爵以居之而揂書陳災者以盛德之後見前 放招殺兵葬陳哀公一年之間專書陳事夫陳己亡 亂夏書楚殺陳行人秋書留奔過死冬遂書苑滅陳 矣春秋於陳之亡書法深致其嚴謹自去年春書陳 而猶葬之者示陳之未亡也及是陳已為楚所縣俾 公羊曰陳已滅矣其言陳火何存陳也存陳之義盡

欠三日子 A. A. 冬築郎園 秋仲孫貜如齊 莊三十一年築臺于郎今復築即以馬園其以馬游 告災者魯史安得而書之乎曰此聖人因陳災而至 於夷特著義存之耳不與楚得陳也或曰陳己亡無 冬而築時也所以書則譏築園也桓四年公狩于郎 而知之不皆据舊史也 存陳之義夫宣舊史所能及乎是時夫子年既長見 春秋鲜锐

秋七月季孫意如叔弓仲孫雅師師代苔 **牽之戰四卿俱書譏李氏以其私怒出而諸卿皆從** 觀之地乎其以為講武之處乎是時三家用事魯君 僅擁虚器而猶與築園之役為季氏歐民耳 前已舎中軍此復三卿並將以出季氏寫主將二 後先惟命之承非但誅其伐國誅其無君也胡氏曰 也今代吕而三卿俱行譏李氏所欲寫而二卿奔走 年春王正月夏齊樂施來奔 巴居全書 卷二十四

葬晉平公 戊子晉侯彪卒平公也 欠日日 Mith 十有二月甲子宋公成卒 九月叔孫婼如晉 軍乃析三軍以爲四季氏獨將二軍兵愈多權愈重 弓非叔孫氏乃臨事所置之帥耳舎中軍非復為二 此所以遂至不可制階此馬亂而昭公孫于齊矣 軍高副則三軍固在以高復古者非也但叔 春秋詳說

帥師圍祭 **葬宋平公** 夏四月丁已楚子處誘察侯般殺之于申楚公子棄疾 -有一年春王二月叔弓如宋 討賊也雖誘之曷為絕之懷惡而討不義君子不與 公羊曰楚子虔何以名絕曷為絕之爲其誘討也此 名書與般俱名何也曰仗大義以行其大不義仗人 也或曰蔡般負覆載所不容之罪楚子討之春秋以

ĸ 正り時人は前 為夷狄之君誘殺中國之君故謹而名之愚謂弑父 取其國詐以滅陳又詐以滅蔡又用蔡世子於淫昏 其國既得滅國之利復以謀陳者謀蔡誘般殺之襲 秋所許但處利人之難而滅其國故特正其罪而名 與君夫人皆得而誅之中國不能治夷狄治之亦春 名之與般俱以名書不與處以討賊之義也穀梁以 社狂暴險恣無復一分人理是故春秋特變例而 以行其大不信春秋所甚惡也度利陳之亂而滅 春秋群就

金月日月八日 五月甲申夫人歸氏薨 以定蔡已無所利焉則春秋猶將許之何遽至於名 之耳使處於討般之後謀之於晉請之於王更立君 在傳宣後之子孫率循弊典有不足責焉耳然直書 昭公之母襄之妾敬歸之娣也妾母僭夫人自成風 其事而無所隱乃所以責之也 以來春秋皆有幾至是始無機非無機也僭禮之罪

大王日重 台 喪不可竟與曰意常事也喪變事也當變而常是故 聞之曰國有三年之喪而無一日之感國不忌君公 室且將卑矣春秋繼夫人薨而書大蔥以其同在此 是月也君母歸氏薨蒐事不為之中卻晉大夫叔向 禮則當從大喪之制今也蒐不為輕言強家之不忌 君是以知公室之將界乾侯之禍不旋踵而作或曰 月之内也歸氏雖非嫡母魯君既尊之以夫人之 春秋詳說

仲孫獲會都子盟于浸祥 虎曹人和人于厥愁 秋季孫意如會晉韓起齊國弱宋華亥衛北官作鄭罕 喪不貳事禮也前既萬于北蒲此復為複祥之會春 為不可非謂國有喪武備不可講也 秋皆繫之五月之下所以貶也或曰春秋不為魯諱 與曰魯不諱喪而講行常事春秋不得為之諱也 案左傳謀救蔡也或曰蔡當教乎曰般可討而蔡子 卷二十四 欠己の巨人島 書擅與兵滅與國之罪彼處雖頑冥不靈國中猶有 義之所得為也為晉君者當使人諭之楚責以違載 危亂而取之此盗贼之兵中國諸侯共起而擊逐之 寫首戮乎 欲以何為既乃逡巡而引退晉君猶有知韓起其不 早詞爲磬請盟爲夷所侮辱而蔡遂滅矣厥愍之會 可減也今般已死而處之兵猶頓於蔡下必欲乗其 人豈不畏義而恥而晉之用事者庸猥無能乃使 春秋詳說

冬十有一月丁酉楚師減察執祭世子有以歸用之 九月已亥葬我小君齊歸 書姓師滅祭繼書執世子以歸用之誅楚之無道者 者也世子不敢遽以君位自居亦未甘出夷姓之下 書法見矣般固有當討之罪父死而子立世子宜立 嬰城固守以待外救晉不能救而國亡身死視紀季 胡文定謂世子守節而死故為春秋所録合二說而 世子以不屈而死也豫泰山曰世子云者未立之名

文定日日 AL 十有二年春齊高偃帥師納北熊伯于陽作傳 子而不能死社稷以國與楚春秋於是乃有誅矣 羊以為父坐弑誅子不得有其國者是亦一說使世 東其父之篤疾殺父之嬖而篡有其國者萬萬不侔 公羊伯于陽公子陽生也子曰我乃知之矣在側者 矣是故春秋特存其世子之名而録其為宗社死公 位父雖預命於夷子猶不敢遂居其處視齊世子光 以都入齊苟爲自全之計者遠過之矣位乃世子之 春秋詳說

齊景公為北強出師至再春秋其許之乎日霸者之 欲霸也皆有身任天下之志景公有可霸之資當晉 所以結正其失國之罪或名或不名皆有深意或曰 逐而出因大國之力以歸入於其邑而未至其都皆 不名所以正其君臣之分衛獻返國而始名之者則 伯入于陽與獻入于夷儀其事略相類皆以亂臣迫 曰子首知之何以不革曰如爾所不知何左傳曰納 北蘇伯欵于唐因其衆也公羊适解當從左傳北蘇 巻ニャ

夏宋公使華定來聘 COO mer Sealer 1 公如晉至河乃復 三月壬申鄭伯嘉卒 穀梁日季孫不使遂乎晉也而左傳則以魯伐莒取 足仗勸使改圖良以是故 不剛也厥後魯昭孫於其境子家羈知景公無信不 受賂而回此伐北燕半途而返非其力之不足用心 政既衰有可霸之時而不能以天下自任前伐北燕 春秋詳說

あり四月全書 楚殺其大夫成熊 五月葬鄭簡公 有所本 曲為孝氏之地公有辭不能以自伸與穀梁之說必 亦知罪之所在而公每至晉輔爲所卻豈晉之諸臣 那 首人想之晉故辭公夫传首至於再又受其叛臣 左傳或諧成熊於楚子成熊知之而不能去以是故 叛邑魯實有罪然皆孝氏之所為明年晉人執意如

楚子伐徐 秋七月 晉伐鮮虞 钦定四車全書 冬十月公子愁出奔齊 見明年权号圍費 左傳愁與南蒯叔仲小謀誅李氏懼不克而奔事詳 **耽禄見幾不作以及於難亦有責焉** 及虔以猜忌殺無罪之大夫故以累上書成熊懷 春秋詳說

穀梁曰其曰晉狄之也不正其與夷狄交伐中國故 陳滅蔡伐吳圍徐中國之人延頸企踵以望晉人出 中國諸侯北面夷狄之庭人有左衽之憂及是楚滅 愚以為未得經意晉自平公舉霸權而遊之楚遂使 狄稱之注謂鮮虞為姬姓之狄居於中山故曰中國 齊曰春秋之狄秦以晉故也狄鄭亦以晉故也則且 於弱小無罪之國為逐利自私之計是故伙之陳止 師一大創治之晉之君臣憎然一無所問方且加兵

RED LOT At Auto 1 齊慶封放陳招殺蔡侯般假討賊之名以劫制諸夏 書吳皆略之之解以為遠者有不可得而詳事之小 者亦然皆非所以為襄貶輕重此說疎與春秋以一 虞未已無志於中國也於是狄晉此說得之日氏乃 字為發貶凡狄晉狄秦之類皆書法條貫之所在烏 狄晉何晉之君臣無中國志也楚處篡國之賊而執 曰事有大小則記有詳略晉伐鮮虞略辭也故書楚 而晉連年有事於鮮虞吳入野於越入吳晉猶圍鮮 春秋詳說

金少正屋白書 十有三年春叔弓帥師圍費 卒之以費奔齊其叛狀乃著於是為叛矣曰家臣而 或曰此南蒯叛季氏而叔弓以兵圍之不書蒯叛何 自為其私計夫然後為叛矣南蒯之始謀為此號於 尊公室於義可乎曰可諸侯之臣皆天子之臣也上 也曰家臣而知尊公室未為罪也家臣託尊公室而 可忽乎義又見十五 人曰吾以尊公室其心跡未著春秋烏得而正其罪 卷二十四

魯李氏東政五世至宿意如犯上作亂無所不為使 南蒯之心則非純乎爲國者既以告公未幾乃以費 禮舉兵權而歸之公上固魯國之令臣也奚其叛而 為之家臣者知大義之所在勉季氏以忠約季氏以 叶諸侯以尊天子大夫之臣叶大夫以尊諸侯正也 叛歸于齊則魯之叛臣矣當時有謂家臣不當言強 可也大夫叛諸侯家臣與之俱叛不可也諸侯之臣 夫之臣皆諸侯之臣也諸侯叛王大夫與之俱叛不

九七四年 白春

春秋詳說

金りに月八二 為逆則不以為非然則恭操懿之臣猶得為忠於所 事乎春秋書叔弓圍費不書叛蓋有深意後儒不能 所事不知有國莫不以叛臣目之至於家臣輔大夫 **养曹操司馬懿父子之謀為不軌與唐藩鎮之稱兵** 犯上皆有腹心爪牙輔成其惡則家臣之類也知有 取焉愚竊不敢謂然也且以後世之事而於之如王 公室者乃亂賊之黨同惡相濟之悖辭而傳者猶有 深識惟曰家臣不當叛大夫誤矣大夫所為正而家

夏四月楚公子比自晉歸于楚弑其君處于乾谿 棄疾骨比而立之令於乾谿曰比既立矣衆散而虚 公子棄疾事處為祭公處無道暴師乾谿以圖非望 据左傳所載不能盡得經意今從公穀為斷處與公 之福棄疾因民之怨召比於晉而立之公羊曰公子 子比公子棄疾皆共王之子郊敖之死公子比奔晉 臣叛之是之謂叛大夫叛而家臣正之奚其叛議以 寳玉大弓 年盗竊

とこう こうこう

春秋詳就

度死處死而比立則弑君之罪當在比矣左傳以為 事蓋奪疾與比內外合謀而為之也棄疾始為此謀 楚穀梁以為晉有奉者是也或曰處非篡國之賊平 後襲察察公始變愚以為區區一觀從豈能獨辦此 而春秋歸獄於比以比自晉而入主於代處比入而 觀從獨為此謀矯棄疾之命召比於晉强與之盟然 以縊死此其實也比自晉而歸實預初議左傳乃謂 不知始謀歸國而後知之必無是也書自晉歸干 四月全書 Range Sink 衆望而立君則不可以哉言矣蓋賊可討而不可代 不曰弑君可乎使比於處之既死固執子臧之節從 也比弟也處君楚國比自外歸弑其兄而已自為君 之則殺者為義篡者為贼從州吁無知之討例可也 也代之則與之俱為篡弒之人春秋之義必有所不 比未嘗事處爲君而坐之以弑君之罪何歟曰處兄 及今而後殺之又代君其處其得謂之討賊乎或日 日始度之篡有能仗大義而殺之求郟敖之後而立 春秋詳說

楚公子棄疾殺公子比奪疾立是 金分四月全書 容矣 楚度之死棄疾弑之公子比之立棄疾立之立之則 子比棄疾既當君比則加之首惡之名所以正棄疾 君之矣君之而又殺之則弑也比不成爲君則稱公 君比豈得不謂之哉諸儒多從二傳為殺其擇之 我比之罪比未常事度為君而指以武書棄疾實已 二傳作殺公羊作弑當從公羊弑者下戕其上之名

秋公會劉子晉侯齊侯宋公衛侯鄭伯曹伯苔子郑子 滕子薛伯祀伯小邾子于平丘八月甲戌同盟于平丘 公不與盟咸出美巴見 精乎 復自強之志楚由是竊霸權虎視中夏晉君臣鼠伏 自晉楚爲成晉之君臣自謂天下無事偷惰苟安無 昭乃復寫會于平丘號召諸夏如病痱沉痼之人精 而不敢出幾二十年今楚度罪盈惡稔自底覆亡晉 春秋詳說

**到灾四届全書** 是會也齊不肯受盟晉人治兵都南大陳戎馬脅而 責外沙隨之會書晉侯不見公責在晉也平丘之會 采銷鑠殆盡強自支挂人之見之者知其無能有為 書公不與盟責在魯也魯東晉人之衰侵暴郑苔受 不諱何哉日春秋於魯事之當諱者或以責魯或以 所謂一書再譏也或曰公不與盟魯之恥也而春秋 國之盟且機晉人不當以兵督諸侯而與之同盟是 與之盟晉亦可鄙甚矣書同盟幾王人不當下同列

晋人 晉書公不與盟則不可以言貶晉春秋有一事再書 蠻夷之訴絕兄弟之散其未然數蓋書同盟所以貶 而前後取與不同者此是也 所行者是故其責在魯書公不與盟若公之自不與 其叛人入其土地復加之以兵春秋前此備書之皆 盟雖爲公諱亦責公也胡文定乃以是責晉以爲信 敗也至是晉人伸其霸討辭公於會而執意如晉之 ,執季務意如以歸

RELIDENT ALL AND -

春秋詳說

金岁中月白雪 伐不有君命陵蔑小國怙終不改至于再三肆之市 豈不知之茍欲伸其霸討當治意如之罪豈惟爲苔 魯人暴苔亦甚矣然皆季氏之所為非其君責晉人 明之天理終晦蝕於羣下之私情是年冬公如晉復 朝夫豈為過前此晉平庸闇公欲訴而無路今晉昭 執之抑亦爲魯治之可也夫以人臣而據兵權擅侵 始立必有以李氏無狀告之者故辭公于會而執意 如執之是也當究其罪之所在顯示誅斥而晉昭開 卷二十 ල

祭侯廬歸于祭陳侯吳歸于陳 た三日日 Action 1 公至自會 君之辭終不能勝於其臣而晉之無政猶前日也 國固成周之建國何專封之有哉然春秋以自歸寫 謂陳蔡之滅楚虔滅之也今其復之者楚平棄疾也 公羊曰此皆滅國也其言歸何不與諸侯專封也愚 見卻而意如乃得無事以歸公不得見意如得歸是 文者其著義自有所在蓋陳蔡者中國之諸侯而爲 春秋詳說

冬十月蘇蔡靈公 我与口犀白書 外夷所滅今復為外夷所存中國無盟主諸夏無方 楚蔡之仇也大雠未報仇人已預春秋之義不葬者 來是故旨爵以歸之與鄭突曹亦之為歸異矣 伯始其滅也不能救今其復也無所預此中國之恥 也故春秋於陳蔡之歸皆以自歸為文者為中國諱 也今以國復而葬亦變例耳或曰楚虔滅蔡而棄京 也不言復而言歸國固其國幸其亡而得存去而復 卷二十四

吳滅州來 戶已日日 ALS ■ 公如晉至河乃復 實是其為憾可得而釋乎昭侯柏舉之役大義所當 伸也 復之春秋書葬所以釋其不共戴天之憾曰不共載 州來吳楚中間要害處或以為楚之附庸成上年吳 欲為陳蔡討楚楚懼而亟復二國雖復其名猶制其 天之憾而可釋乎爲公羊之學者謂晉人會于平丘 春秋祥就

十有四年春意如至自晉 人入之當撫而有之以爲外屏亦控楚之一策也乃 言取而言城見吳人之不能有 地卒歸於楚吳不能有也十九年傳楚人城州來不 不能然今又五十載復以兵入之遂從而殘毀之其 春秋書公如晉至河乃復繼書意如至自晉見魯君 於晉此其實也如晉昭辭公於會而執意如人猶益 與意如相出入於晉也傳謂意如讚其君使不得遂

夏四月 大三日日 日本 秋葬曹武公 三月曹伯滕卒 書叔孫始至自晉比事而觀可以識聖人之意 陷其君是以有誅二十三年叔孫始見執及其歸也 其明正强臣專兵之討俄而得釋季氏愈張魯君愈 執至此間事隔歲而書名不書族去族求免其身而 削乾候之禍作矣春秋書意如至自晉誅也自意如 春秋祥說

金月口屋人 冬苔殺其公子意恢 月苔子去疾卒疾之子去 意如而辭昭公于會魯莒因是有怨不往會其葬是 以闕書 郊公以子代父正也庫與以弟繼兄篡也蒲餘侯首 亂者也公子意恢君之黨必苔之舊臣也蒲餘侯與 不書葬魯不住會也魯人侵苔取其地晉修霸討執 公子鐸比而寫亂殺意恢逐郊公逆庚與于齊而方 四

2.13 ... LILL 19/ 十有五年春王正月吳子夷末卒矣作 無大夫故不書大夫義又見二十三 身雖為國而死何益哉故不書死難而書見殺曹苔 不能正之以禮蒲餘與鐸謀為亂而不能豫為之防 恢死意恢受託狐之寄而不能其事者也君在喪而 已為政國之安危休威於是平寄郊公居喪不感而 之意恢之死爲君故耳春秋不書郊公之奔庚與之 人郊公不能君庚與由是以篡也繼苔子卒而書意 春秋詳就

僚冒以位自處以致殺身而召亂闔廬固當坐首惡 是謂以嫡繼長宋穆公之與夷是也顧不能然乃俾 者謂孝子不當辭位而召亂非知季子者也亦非深 後讓也為夷昧者當明季子之讓節以國授之闔廬 識當時事者也季子之讓已者於平日非夷昧死而 於是夷昧之子像立焉未幾為謁之子闔廬所殺論 謁死餘祭立餘祭死夷昧立夷昧死季子避而去之 謁餘祭夷昧季子同母兄弟也約以位相讓选為君

金与四月全書

卷二十四

PALDIN Ainin 奉秋詳説 二月葵酉有事于武宫篇入权号卒去樂卒事 君之喪攝主而往大夫聞大夫之喪尸事畢而往穀 諸統多從之愚以衛柳莊魯叔弓二事而觀而知禮 氏曰宗廟大事大夫卒小事以理言應待祭畢乃告 也古之人重死君命無所不通公穀以告為合禮啖 梁曰君在祭樂之中大夫有變以聞可乎大夫國體 公羊曰君有事於廟聞大夫之喪去樂卒事大夫聞 之罪夷昧實有責馬耳

金月日屋白書 意之所在矣祭者主於誠態不貳事者也故當祭雖 轉之不但撤樂併撤祭而往感大臣之意過於尊祖 為之變其常也及聞其死請於尸而往而釋服遂以 不當以界而廢尊春秋書之記禮之變其常耳此與 叔弓自殁於其家如柳莊之比則當侍祭畢而後告 於祭治事猝有疾死則君為之撤樂卒事其可也若 非禮之正謂之失禮可也今叔弓之喪据傳叔弓預 大夫之喪不得以間衛臣柳莊疾革其君必使以告 卷二十四

文三日日 AI AI 夏蘇朝吳出奔鄭 然以傳之所紀察雖存不能國也朝吳蔡之舊人楚 楚平即位未幾反度之虐存陳與蔡若有古人之風 因大祭有事于武官权弓當此時而暴卒故為之去 世室魯公為文世室武公為武世室為不毀之廟兹 襄仲之死去籥禮例不同不可引以為證武官者或 以為成六年所立之武官非也魯用天子禮樂有兩 春秋詳試

金だいたとう 秋晉首吳帥師伐鮮虞 六月丁已朔日有食之 平自為蔡公與之善及得國仍俾居蔡費無極者讒 或日鮮虞之伐前則狄之後則否何與曰狄之者變 朱之奔東國之死柏舉之戰 常法而狄之君及大夫咸有貶焉耳書某帥師伐其 而不復昭侯又將見雷以賂而免卒復大雠義見於 人也害其罷而傾之以是故奔其後蔡之二君入楚

たこりる かき 冬公如晉義見至 責將也鮮虞之伐始倡其議者首吳也其後再伐三 於伐鮮虞一事深有貶於晉 故小節而遂貸其貶乎存大節而略細故春秋法也 無罪之國又動兵至於再三乃大不義春秋豈以細 伐卒滅其國而後已者皆首吳也是以貶或謂春秋 録細故而置大罪於不問夫豈聖人垂法之意春秋 以荀吳不受鼓之叛人是以無貶夫伐鮮虞伐同姓 春秋詳說

金戶四月百里 十有六年春齊侯伐徐 蓋懼楚師之浸淫而有震鄰之憂耳今齊景睥睨晉 霸而不能志其遠者乃伐徐以馬左右望之計視桓 侯動大師以教之盟于牡丘次于匡又出偏師伐厲 徐之封在齊南鄙桓公之霸也楚成伐徐桓躬的諸 鼎與之盟而歸春秋書伐國而云某侯伐某是皆有 公之存徐有愧多矣傳言齊師至于蒲隧徐人賂以 以攻其所必救非但為徐計亦自為齊計為中國計 E4

楚子誘戎蠻子殺之 Rail line 楚大蠻小皆以子稱又以見四夷雖有大小强弱之 誅處而略棄疾然書誘書殺蓋亦罪之深特不名耳 不同而於周班皆為子不得擅相侵陵況誘而殺之 蓋誘一也處以施之中國而棄疾用之蠻夷故春秋 公羊曰楚子何以不名夷狄相誘君子不疾也曷為 不疾者不疾乃疾之也此比類虔之誘蔡而爲言也 意讀者謹之 春秋詳說

夏公至自晉 金好四周全書 魯君相出入於晉意如實陷其君也其後昭公憤激 晉人辭公而執意如討其侵莒取地執之是也已而 意如得釋罰不加毫毛今公如晉晉復止公踰歲涉 左傳正月公在晉晉人止公不書諱之也平丘之會 不能平與兵以討之勢有不容已而所任非人卒 三時之久乃得還由晉昭昬孱大夫強恣故意如與

Rail Orand Missia 九月大雩 秋八月已亥晉侯夷卒 成于昭頃以迨于亡強大夫實為之也 能無卑乎子服回可謂善規國者矣晉之衰始于平 早矣君幼弱六郷強而奢傲將因是以習習實為常 致敗論者謂魯昭伐李氏為啓釁非深知當時 服的伯從公如晉歸語意如曰晉之公室其將遂 春秋詳說

金分四月全書 **孫意如如晉** 葬晉昭公 **詳説卷二十四** 

欽定四庫

經部

春秋集傳詳說卷二十五

**鲜校官鴻臚寺少卿臣梁景陽** 

給事中日温常經覆勘 覆校官博士臣 劉光第 校對官助教臣汪錫魁 腾録監生臣沈

偀

春秋祥说 則此月乃夏正之六月無疑 伐鼓以是月非正陽 撰

金月四月子書 惑於左氏不根之言而廢春秋經世之法此病甚大 昭子李孫意如各執一 説莫能相下由歷紀壞亂閏 不可以莫之辨也盖春秋自中世以後平桓僖而降 月為正陽之月請用幣與莊二十五年所言如出兩 知適從如終老之年號重之語與今兹魯太史叔孫 王政益壞歷紀廢缺積不頒朔於諸侯夏國之人莫 矣至是六月甲戌朔日食傳乃載太史之言以此六 人之手以是知左傳雜引諸說初無一定之論後人 卷二十五

秋郑子來朝鄉也氏少 Sale in the 哉此一節左氏之子孫門人假異說以符合隐元年 書周正之誤誣矣 謂秋者為夏四時可屢變乎四時可變何分至之有 而未至為正陽之月則正陽當在首夏今乃指其所 郑子曰吾祖也我知之黄帝以雲紀炎帝以火紀共 傳言郑子來朝叔孫昭子問以少皞氏鳥名官何故 法不修時序紛錯有以使之然爾太史氏既知過分 春秋詳説

多只匹庫全書! 人月晉尚異帥師滅陸渾之戎 官名之公草蓋録之也所謂夷者如孟子所謂舜為 言周魯俱衰典章關壞而遠方小國之君乃知前古 為夷國失之矣 人口天子失官學在四夷按孔子之意不過請當時 為民師而命以民事仲尼聞之見於好子而學馬告 工以水紀太皥以龍紀少皥以鳳紀自顓頊以來乃 東夷之人文王為西夷之人為言遠也或者遂以郯

てこうえ 陸渾皆滅之也而林父士會稱人尚吳舉其名氏何 陸軍之戎于伊川盖以二强國之力迫而遷之非戎 胡文定曰林父之於潞氏士會之於甲氏荀異之於 為書名氏書滅謂之非貶不可僖二十五年秦晉遷 哉內外當别陸渾密通王室非所以别內外尚吳滅 秋謂其侵逼王畿書以惡之陸渾甚微寄跡內地思 之與關土服遠以圖富强者異以為春秋無貶愚以 人侵犯王略自外而竊居於內也先是楚伐陸渾春 P.L. 春秋詳説

**超员四届全書** 莫不皆貳晉實使之何獨於陸渾而有伐盖晉之為 **厳滋久不聞為王室患而首吳忽用詐計謬言有事** 乎或曰則将存之乎曰徙而遠之不使近王畿其可 手下氣而不敢問乃以滅陸渾為肅清中原不亦誣 政者利其富饒襲而取之春秋所深惡也趙木訥更 于维而襲滅其國惨矣若謂其貳於楚則中國諸侯 矣滅無罪之國馬得無貶 云荀吳有肅清中原之功夫憑陵中夏者楚也晉斂 卷二十五

冬有星字于大辰 年王室亂劉單立王猛尹召以子朝篡或是其應 伐亦除舊布新之象申須梓慎禪竈以為兆諸侯之 天之中也帝座居之妖氣字辰為變大矣若為心為 記異也左傳曰字于大辰西及漢北辰者是為天極 火災其言雖中亦巧發善億未為真知天者也後五 火也大火為大辰伐為大辰北辰亦為大辰何以書 公羊曰彗也其言于大辰何在大辰也大辰者何大

大三日 在馬

春秋詳説

金に口口人門里 楚人及吳戰于長岸 十有八年春王三月曹伯湏卒 常在於憑陵諸夏春秋每有取於吳為中國而録之 穀梁曰進楚子故曰戰此以書一人字之故謂春秋 進楚殆不然數吳之書吳楚之書人有自來矣非始 耳今戰于長岸傳以為吳伐楚大敗不書敗録其向 内之心也以其為兵首故書吳 進始貶於此日也吳之志常在於輔翊中國楚之志 卷二十五

夏五月壬午宋衛陳鄭炎 下記異也愚謂火災未足為字之應也當時知天象 公羊口異其同日俱災也外異不書此何以書為下

豈知星字之應遠者十年近者數歲示人以象使之 者以星字之後繼之四國之火往往傅會而為之說 上骨為不軌周室寝微大亂将作春秋降為戰國此 於是而已哉是時諸夏亂亡已兆世卿强族有制其 知所警懼安可指一事之偶應而逐謂上天譴告止

大臣日軍と時

春秋祥说

金灯口匠 六月都人入郡宋代 冬許遷于白羽 秋葬曹平公 成十五年許遷干 修首之實矣 在後世則為諛将使人主以火災塞天變無復恐 其兆也夫豈四國大災之謂欺申須梓慎秤竈之 謂楚靈當徒之于荆平王復之為葉今又遷白 人口型地 ·葉是後以葉為都昭九年遷 邾下

**欠己日臣公子** 十有九年春宋公伐邦 凡書爵而書侵伐者多貶此繼邦人入郡而書宋 方睦恐以是召冠迫而遷之自是又遷客城不二十 存今許五遷而國益危傳謂葉為楚地楚人以晉鄭 以存之衞文公亦能勤儉苦節以自强其國至是猶 羽盖五遷矣昔齊桓公遷那及衛不惟遷之而又有 以是亡其亦有以自取矣 年許為鄭所滅楚固大不義許棄中國而從于楚卒 春秋詳説

多写电唇 台書 夏五月戊辰許世子止弑其君買 事實霄壞黑白之不同也盾東政穿就靈公盾亡不 趙盾之弑其君許世子止之弑其父傳者比而言之 盡歸那俘春秋以是故寢 越境反不討賊史臣歸其罪於盾宜也若許止則異 弱大侵小莫之或禁邾蕞爾小國間那人之不備襲 伐邦則與宋公之能討有罪也是時晉已失霸强陵 其國執其君據有其土晉不能治而宋治之伐邦

大いり 風 から 許世子之就盖皆舊史已書聖人因之而不改所以 事以操刃而殺與不躬進樂進而不當三者坐當殊 人之修春秋多因舊史之所已書而加以筆削趙盾 樂而遂坐以弑君之罪必無是也歐陽子嘗論及斯 蔡般逞廢點之憾而成滔天之惡也而春秋何至加 於是父非不慈於其子子非失愛於其父非若楚商 科深有疑於傳家之說而胡文定不以為然愚謂聖 以弑君之罪乎聖人東法至公而存心忠厚一不當 春秋詳説

金月口屋石書 敢以易心臨之所以垂事親之法夫豈謂不嘗藥者 罪因侍疾不謹以陷于大惡公羊兩言盡之矣若夫 者魯史得之傳聞著之於策聖人修經因舊史而不 垂法於後世也有如許止之事意當時有疑其為弑 春秋之法賊不討不書葬今書斌書葬明止本無弑 羊曰書就是君子之聽止也書葬是君子之赦止也 可坐以弑君之罪乎是故書弑於前復書葬于後公 之草使夫為人臣為人子者謹於視膳嘗樂之事不 二十五

飲定內庫全書 - A 本秋并说 學未流之弊必至於此胡氏持以證春秋用法之意 時夫子年已長得之親見聞既因魯史而書献于前 復以身所見聞而書葬于後皆所以垂訓示後與趙 其不得同數盖傳所謂春秋無將将而必誅者為其 者乎蓋魯史官因一時之傳聞加止以弑君之罪是 其事也夫豈非弒而目之曰弒如後儒之擬議春秋 有欲弑之心而其事未成如公子牙慶父之所為是 孟子所謂東爱之無父為我之無君此以言異端之 卵地震 **誅二字謂止有忽君父之心以為篡弑之萌故加以** 樂不如法者死此必非堯舜三代之法尤不可以證 看弑君大不可同日語矣胡氏解春秋每每拈起意 已其非春秋垂訓之本古與蘇顏濱又引律文和御 大惡而不得辭此鞅斯腹誹之誅流毒至於漢而未 深思以求聖人之意 春秋學者於歐陽公之言胡文定蘇潁濱之説願加

次定四華全 二十年春王正月 秋齊萬發師師伐莒 冬葬許悼公 故累及之此論雖正然春秋所以書就書葬如公羊 累及許君其意謂不授子以師傅使不知嘗樂之義 義已見上穀深釋書葬之義曰許世子止不知嘗藥 葬同乎否乎曰其弑異其葬爲得而同 之說而已矣或曰蔡般之弑景與許止之弑悼皆書 春 秋詳説

夏曹公孫會自鄭出奔宋 分りに見 於世教然施之於叛者則恐未然當從劉氏之說會 待放而非叛也公羊善善及子孫惡惡止其身有益 故君子為之諱劉原父以會為待放古者大夫有罪 也長惡惡也短惡惡止其身善善及子孫賢者子孫 言其畔為公子喜時之後諱也喜時即君子之善善 待放於其境三年君賜之環則還賜之玦則去會蓋 公羊口奔未有言自者此其言自何畔也畔則曷不 ノジュード 次定四車全書 一 春秋計說 秋盜殺衛侯之兄繁軍員使其弟來聘七 舊說盜賤者也裹十年盜殺鄭公子縣公子發盜則 求為後於魯是故春秋録之 盖待放于鄭君不復之而奔賢於臧武仲之據防以 尉止之徒皆賤者故以盗書令殺繁者齊豹等輩豹 而以身當之春秋不與之以名是故書盜愚以當 名而不得以為豹欲求不畏强禦之名為衆人除害 為司冠位從大夫而亦書盗賤之也左傳謂齊豹求

也聞齊豹将作亂而不以告其主不忠也雖與公孟 於二者皆失之知公孟之惡而事之不能早去耽禄 宗魯使之先去宗魯不能去亦不以告其主既而乃 精當從之宗魯者始因齊豹而事公孟豹将作亂語 起而為亂殺繁逐君被自快其私怒耳何名之求哉 與公孟俱死於齊豹之難彼自謂忠於繁信於豹而 此舊說也胡文定以春秋歸徽宗魯是以書盜其義 之事而觀豹實怒公孟之奪其官邑率羣失職之人 た 已 可 同 に 言 政怙權而召亂以是殺身書衛侯之兄機衛侯不能 能及此矣繁者衛侯之母兄以疾故不得立預聞國 所以為盗盖繁所以見賊殺皆宗魯之為豹不足誅 亂之罪微而難見日齊豹之盜五繁之賊猶言齊豹 **弔馬蓋齊豹犯上作亂之罪顯而易見宗魯食姦受** 死欲往弔之夫子語之日齊豹之盜孟繁之賊汝何 俱死而死不足録所謂求名而不得者也琴張聞其 而宗魯深可誅胡氏之說有得於聖人之意傳注不 春秋詳說

金児口乃ノ門 冬十月宋華亥向寧華定出奔陳 閉制其兄使之預於國政繁見殺衛侯幾以是失國 向其君亦有責馬耳華氏自督以來世為亂族鮑之 而討之華向奔陳春秋書三卿同日而奔不惟謀華 逐劫公取太子及母弟以為質公亦質華向之子已 案左傳宋元公無信多私而惡華向三大夫謀曰亡 繁不足責其責在衛侯 愈於死先諸乃誘羣公子盡殺之公如華氏請弗許

次定四重台写 一 夏晉侯使士鞅來聘 十有一年春王三月葬祭平公 有一月辛卯蔡侯盧卒 蓄謀在亂宋君又以無信多私啓之致三叛同日而 出奔著君臣之俱失道及華向入於南里始以叛書 作幸而討之克華向俱奔而公又入多僚之讒将加 誅於無罪者致諸華內外合勢以叛春秋先書三卿 篡弑諸華之力居多挾功專橫黨與盤錯虎視中國 春秋詳說

宋華亥向寧華定自陳入于宋南里以叛 春秋未曾加入以叛逆之罪至衛孫林父之入戚始 著春秋始以叛書若魚石縣盈雖自外而入原其始 而奔奔而復乃挟吳楚之援将以覆其宗國叛狀既 以叛書華向繼之自是始有書叛者書入書叛誅姦 本無欲亂之心春秋不以叛辟而加之也彼為意誅 說者欲以不叛為叛非弑為弑非聖人意也南里 極典春秋不輕用也華亥向軍華定首禍於國討

火足马軍台馬 秋七月壬午朔日有食之 冬察侯朱出奔楚影二十三年 月乙亥叔甎卒 危之 宋國城中之里叛者內外合勢入而居之莫之能禁 不書宋彭城今華向入于南里書入宋南里危宋 至於城舊鄘以為守宋其危矣前是魚石入于彭城 叛者入其腹心討之而不克則宋為華氏有矣是故 春秋詳説

金だ口方人 公如晉至河乃復 有讒臣曰費無極取貨於東國諭察人使出朱而立 案左傳東國者隐太子之子平侯廬之弟朱之叔楚 不能仇又從而奔之春秋書以貶其義正二傳不能 秋後先書之関蔡也穀梁子曰王父死馬父死馬已 東國朱煦於楚楚子不能正也東國繼往又殁馬春 **令夏士鞅來聘叔孫為政季氏欲惡諸晉使有司以** 卷二十五

宋華亥向寧華定自宋南里出奔楚 二十有二年春齊侯伐莒 齊鮑國歸費之禮為士鞅鞅怒以為平已故公如晉 復為所卻明年而執权孫皆以是故盖季氏久蓄無 晉悼公之討魚石也以諸侯之師圍彭城春秋書以 之世也 君之心故外交强國以齊制其上是時晉頃愈弱上 天之權愈盛魯之强家晉之列卿比而為惡皆叔末

次足四年公号一

春秋詳説

古

書奔楚罪楚之納叛臣也然宋之强族華魚向蘇自 畏于楚討之不能力叛者皆得逸去也晉楚交兵百 有餘年宋人為之出力弭兵楚得以竊霸權號召天 師救宋共討華向于南里而春秋略之不書為其有 美之今華向為亂晉尚吳齊苑何忌衛公子朝皆以 彭城以來世為亂再有討隻翦幾無存者而宋得以 利人之難而伐取其國謂楚非夷不可也先書叛繼 下今宋大夫為亂於內楚乃從而羽翼之背施忘義

たこりを とう **葬景王** 夏四月乙丑天王崩 大鬼于目間一年此端之鬼十 君付之無可奈何者有間矣春秋詳著三叛之 **嘉宋討叛有成功也** 三月而葬不及期也不及期不如禮也王葬不書此 叔鞅如京師 ·季齊之田晉之智 春秋詳説 韓趙魏日為亂而其 五

王室亂 生於一時而不足以致亂者春秋之所略也變生於 是故特為之書所以貶也見隐三年 室亂此出於聖人之特筆非因舊史而書也蓋有變 前此子顏之亂子帶之亂春秋不以亂書今而書干 天豈特識叔鞅之言而已哉王猛以太子母弟而立 不如禮而逐書以景王不養定繼嗣身死而亂作 時而足以致亂是故聖人變色而書之曰王室亂 卷二十五 次定四華 全書 秋劉子單子以王猛入于王城 劉子單子以王猛居于皇 是時周有兩天子其為亂與頹帶之事異矣盖劉單 所以變常法而為之書也 確介衆之人惟義是輔成周之亂将底于亡此春秋 邪志而為治命是故亦足以惑人非劉單之所守堅 之所守者禮律之正而尹名所挟者景王之邪志以 于朝以長庶而求襲位名體清亂諸夏莫適所從當 春秋詳説

單蓋挾天子以令諸侯而專國柄者也書之未足故 觀似非經意之所在也下不以上甲不以尊者其常 為不失其正而已矣劉軍者王朝之大臣守正而不 處世或蹈其常或嬰其變各盡其職分之所當為期 胡氏曰尊不以乎里貴不以乎賤大不以乎小劉軍 也下之以上甲之以尊事之變其常者也自苦聖賢 再書以著上下之好逆論固正矣愚以當時之事而 臣也曷為能以王猛乎其曰以能廢立之也又曰劉

于皇又書劉子單子以王猛入于王城與其居天下 挽者也景王崩繼嗣未定尹召探其君之邪心欲立 乃大臣職分之所當為而以為擅廢立挾天子專國 于成王伊尹之于太甲以其所當以也以其所當以 之至難任天下之至重變而能不失其正也周公之 正則尹召所立者為那春秋書劉子單子以王猛居 子朝劉軍據禮經立太子之母弟猛劉單所擁者為 柄悪以為非春秋意也愚非擬劉單于伊周以為大

大己日年一十二

春秋好说

無以奠王於位也或曰君以名見臣以子書何數曰 王者無外在皇猶在國也出不書入而書入不書入 為立之正而示別於子朝也居于皇出也而不書出 而必名以者之當是時不得不名也不名無以見其 臣當艱難之秋任託孤之寄當以伊尹周公為法也 變也年不名與其以天下自任也君必名著天位非 天子之宰不以名見者常也始立之君而書王書名 若夫未踰年之君而書王成猛之為王也成其為王

冬十月王子猛卒悼王也敬王立 皆卒此春秋垂世之法也杜氏謂悼王未即位故書 從其變之義也王城者縣洛城而言也已入王城未 亦未得以先君既葬為說故悼之居皇也書王猛其 王猛誤也蓋已即位未踰年景王雖葬不及期而葬 能正天子之位王與子朝分國而處也餘義見下敬 庶孽之所可干也君以名見臣以子書常從其常藥 三年之喪通喪也故天子諸侯未踰年皆稱子皆名

大百日年在等 一

春秋詳説

金坂ロアノニー 晉人執我行人叔孫始 癸丑叔鞅卒 十有三年春王正月叔孫始如晉 卒也書王子猛卒不書王無以示别於争立之朝書 有二月癸酉朔日有食之 王而名之子之以其立未踰年故也 元年叔孫豹會諸侯之大夫于號季氏伐莒取鄆苔 訴于會樂王尉求貨於叔孫使請帯馬豹召使者

た百日日を 晉人圍郊 案左傳去年冬晉籍談首藥師九州之戎及焦瑕温 至是坐都訴為晉所執范獻子求貨使請冠馬取其 嘉矣烏平魯有賢大夫如此而魯昭不與共圖國事 弗與及将歸殺而與之食之其父子所守如此亦可 冠法而與之兩冠曰盡矣更人與叔孫居請其吠犬 坐視賊臣之脅制以至於死亡亦可哀矣 裂裳吊而與之曰带其編矣卒無所與始豹之子 春秋詳說

金罗口石之里 夏六月蔡侯東國卒于楚 當否晉師在郊莫有為王致力者子朝東之而入是 原之師納王于王城此始書晉人圍郊郊者近畿之 楚靈之滅察忍於為惡者也楚平之復察偽於為善 地子朝據之晉為王討而圍之此王事也而春秋書 者也復之而猶專制其國其志猶在於利可取則将 辭若此何哉蓋是時王猛死敬王立中外未知立之 秋敬王有秋泉之出書晉人圍郊譏用師之不力也

大三日車 二十 秋七月苔子唐與來奔義已見 郊公之立正也而唐輿篡之今唐輿為國人所逐而 復猶不復也春秋備書以著楚人之亡狀王父誘而 復取之矣朝吳之奔朱與東國之死皆平所為蔡雖 返蔡之受屈于楚亦極矣其後昭侯亦以事見拘 殺馬父執而用馬大雖未復而朱與東又入楚而不 不共戴天之讎朱與東愧之矣 之乃免事吳以求報卒以吳師入郢復其父祖四世 春秋群説 Ŧ

金牙口屋 台書 戊辰吳敗頓胡沈察陳許之師干 也在喪不戚亂臣持以為之過而逐之不能君而可 郊公復入春秋於郊公之出之入皆略而不書微之 垂法也 書而書因事垂法不得不書也録意恢為其死也奔 **庚與者其虐也略郊公以其不能君而微之皆所以** 之出入皆略而不書何邪曰忽突之出入非為其可 微者也或曰忽突相為出入春秋猶備書之今郊公 卷二十五 雞父胡子髡沈子逞

減獲陳夏酱 吴伐楚次于難父難父楚地也楚以頓胡沈蔡陳許 六國之師樂之未陳吳出其不虞以該敗之夫頓胡 沈三國楚黨也蔡陳許三國同盟之國也乃相率而 附于楚故春秋稱之于萌胡沈之下以貶之賤其為 既主之于前日今不與棄疾之主奈何曰度求之于 暴楚而不書不與楚以主 中國之諸侯也或曰度 楚役也益是役也楚 為或首驅六國之君以禦吴春秋 春秋鲜说

金河四月百十 晉而晉許之責在晉也令乘疾未嘗求之于晉而强 必累數之齊師宋師衛師燕師敗續是也而此不復 数一之于楚耳胡沈之君以戰死于外國安得滅令 自與吳戰所以誅楚為制諸侯也凡諸侯之師衆敗 驅諸侯以前是故春秋惡之畧而不書若六國之君 日春秋前既進吳書吴人矣令而以號舉何哉日為中 不書卒而書滅不與之以死難也且不書滅胡沈而書胡 子髡沈子迢滅若以自滅為文也陳夏齧以獲書貶也或

とこり自いか 天王居于狄泉 體不正将無以一海內之歸趨故敬王雖失位而春 年尹氏乗其不戒挾子朝自外入王居狄泉以避之 君亦春秋之所惡也 秋猶書天王而無所貶所以别子朝之為僭王也不 是時嫡孽兩爭一王城之内而有東王西王之分名 國患者楚也今未能前發之 一猛平劉單復立其母弟句是為敬王至是立已 春秋詳說 /豪末而先般二小國之 Ī

多分口居 全書 而殺其身累其家如霍光徐羨之等輩由不明此義 後之為大臣者有挾定策功久專國柄以此致禍敗 得避者也今王立踰年晉師又與則劉軍外假大國 重外無諸侯之援則劉單之以王事之不獲已而不 書劉單以王所以釋劉單之權也以者獨任其事不 之援以成其功不得言以春秋所以釋劉單之權也 假他人力之稱也前日王在該陰劉單獨任天下之

とこりるとう 尹氏立王子朝 政不書其官不著其爵而以尹氏書氏云者一人之 書尹氏立朝尹氏一人之私也尹氏以世柳預聞國 戴是故敬王雖在狄泉春秋正其名體曰天王居于 其所私而立朝是為尹氏之朝而非億兆人之所同 私也王位天下之公器惟正惟嫡得在此位尹氏以 氏立王子朝母弟之立為正則孽子之立為邪春秋 **狄泉子朝雖得入王城竊大號春秋削其名體曰尹** 春秋詳說

每分四月全書 冬公如晉至河有疾乃復 月乙未地震 於是二者之居之入之立之奔書法詳而不厭垂上 近深思所以為保位之計乃數如晉而不嫌其為里 数為所卻而不自以為 耻身墮强臣術中而未悟者 乃復者五意如實譖之也而胎公不知引賢人以自 公羊曰何言乎有疾乃復殺耻也昭公七如晉至河 公以示後云耳

好至自晋公羊書叔孫舍 十有四年春王二月两戌仲孫獲卒 意如在晉譜其君以免其身叔孫在晉抗節不撓晉 意如見執於晉以苦故也叔孫見執於晉以邦故也 而季氏得以售其險謀肆行而罔思晉深為可責也 也然春秋之書之不惟貶公實亦責晉由晉君不君 則異故意如至自晉春秋去其氏所以誅也叔孫至 之諸大夫敬而憚之旋亦歸之其執雖同所以得釋 **【文学说** 

每定四庫全書 □ 夏五月乙未朔日有食之 有一叔孫大節凛然足為社稷之衛使昭公能舉國 自晋春秋書氏以别於意如盖褒之也是時魯國猶 與意如俱執于晋其歸也或氏或否此書法之顯然 不以為然謂原父為鑿夫春秋以一字為髮貶叔孫 之書氏曰可襞而襞乃聖人修經之本吉召東菜乃 以聽之必不至有乾侯之禍劉原父亦有取於公羊 可見者豈得謂之鑿乎

秋八月大雩 ,西把伯郁釐至 世與楚為敵自晉人尚求宴安以霸權委楚而吳之 滅巢者必無貶嗟夫吳以中國之故父子兄弟歷三 書法特異録其為中國故死於難也死難者見録則 為其能復諸樊門矢之仇而録之也諸樊之死春秋 書吳滅巢或曰貶乎曰有書滅而非貶者此類是也

**動定四庫全書 ──** 巢之減楚所以亡也使晉人能於此時赫然發憤 敵楚者不為之而下也今而滅果乃異時入郢之漸 滅巢為貶故不得不辨 力以圖楚則攘楚之功不在吳而在晉矣論者謂書 詳說卷二十五